

Broj: 01-01.3-3315/20 AK
Datum: 23.04.2020. godine

Na osnovu čl. 17. stav (1), 18. stav (1) i 21. stav (1) tačka d) Zakona o javnim nabavkama („Službeni glasnik BiH“, broj: 39/14) i člana 2. Pravilnika o javnim nabavkama JP Autoceste FBiH d.o.o. Mostar br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine, te Odluke uprave preduzeća o odobravanju vanplanske nabavke „Sredstva i oprema za prevenciju i zaštitu od koronavirusa zaposlenika JP Autoceste FBiH d.o.o. Mostar“, broj: 01-3010-1/20 od 14.04.2020. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar, donosi:

ODLUKU o pokretanju pregovaračkog postupka bez objave obavještenja o nabavci

1. Za potrebe ugovornog organa JP Autoceste FBiH d.o.o. Mostar pokreće se postupak nabavke usluga: „Usluge dezinfekcije objekata JP Autoceste FBiH“ putem pregovaračkog postupka bez objave obavještenja o nabavci, sa kriterijem „najniža cijena“.
2. Procijenjena vrijednost nabavke iznosi 30.440,00 KM bez uračunatog PDV-a.
3. Pregovarački postupak bez objave obavještenja o nabavci će se voditi sa privrednim subjektom AIDA COMMERCE d.o.o. Sarajevo.
4. Služba za javne nabavke će pripremiti svu potrebnu dokumentaciju za provođenje postupka dodjele ugovora putem pregovaračkog postupka bez objave obavještenja, u skladu sa odredbama Zakona o javnim nabavkama – u daljem tekstu: Zakon.
5. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Službeni glasnik BiH“, broj: 103/14).
6. Komisija za nabavke će izvršiti pregled zahtjeva za učešće, otvaranje ponuda, provesti pregovore, pregledati i ocjeniti ponude, te dati preporuku direktoru za donošenje odluke o izboru najpovoljnijeg ponuđača ili odluke o poništenju postupka.
7. Ova Odluka stupa na snagu danom donošenja.

Obrazloženje

Povodom aktuelnih dešavanja u Bosni i Hercegovini u vezi sa corona virusom (COVID-19), a sa ciljem poduzimanja svih neophodnih aktivnosti i mjera za prevenciju, zaštitu i sprječavanje širenja od istog, te u vezi sa službenim proglašenjem stanja nesreće izazvano pandemijom koronavirusa (COVID-19) na području FBiH kao i Bosne i Hercegovine, kao i u skladu sa preporukom Kriznog štaba JP Autoceste FBiH, te Odlukom uprave preduzeća o odobravanju vanplanske nabavke „Sredstva i oprema za prevenciju i zaštitu od koronavirusa zaposlenika JP Autoceste FBiH d.o.o. Mostar“, broj: 01-3010-1/20 od 14.04.2020. godine, pokreće se pregovarački postupak bez objave obavještenja o nabavci za: „Usluge dezinfekcije objekata JP Autoceste FBiH“.



Naime, prema članu 21. stav (1) tačka d) ugovorni organi mogu, izuzetno dodjeljivati ugovore o nabavci putem pregovaračkog postupka bez objave obavještenja: „kada se izuzetno, zbog dokazivih razloga karajnje hitnosti prouzrokovane događajima nepredvidivim za ugovorni organ, ne mogu ispoštovati ovim Zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju se ne smiju dovesti u vezu sa ugovornim organom“.

Na osnovu naprijed iznesenih činjenica da se radi o situaciji koja je izvan kontrole ugovornog organa, te je potrebna brza aktivnost ugovornog organa u vezi s predmetnom nabavkom prouzrokovanom nepredvidivim događajima, ispunjeni su uslovi za primjenu pregovaračkog postupka bez objave obavještenja za nabavku usluga dezinfekcije objekata JP Autoceste FBiH.

Shodno navedenom odlučeno je kao u dispozitivu ove Odluke.

Direktor:



Adnan Terzić
Adnan Terzić, dipl.ing.



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registровано u Općinskom sudu u Mostaru, MBS 58-01-0179-10